

76999

建置志

前事志

江津縣志卷二

建置志

沿革

城池

衙署附監獄

局所

沿革

江津在蜀東古巴國地書斷以前弗深考夏為梁州域禹會諸侯於塗山  
執玉帛者萬國巴蜀與焉商因之周并入雍州封宗姬子爵春秋時巴子  
伐鄧伐申滅庸伐楚戰國時與楚婚稱王慎覲王五年秦惠文王滅巴國  
置巴郡漢為江州縣地即巴郡治中為公孫述所據三國屬蜀漢晉為李  
特所據宋齊屬益州漢武改梁州為益州南齊永明五年江州縣自郡城移治熨溪  
口梁為武陵王蕭紀所據西魏改江州為江陽縣置七門郡在七門灘後周閔  
帝元年移今治仍置七門郡隋開皇初郡廢改曰渝州十八年改江陽縣

江津縣志

卷二

沿革

一

為江津縣屬渝州寰宇記以斯地在江之津為名唐武德三年析縣地置

萬春縣五年改名萬壽縣

地在漢東驛即今五福鎮朱家沱城基砌石尚存居民掘土得碑碣萬壽二字隱隱可辨

代時為王建孟知祥先後據宋乾德五年移縣治馬驥鎮析置鼎山縣未

幾廢元復今治屬重慶路

宋改渝州為恭州又升恭州為重慶府元為重慶路

元末為明玉珍所據

明洪武四年歸附仍今名屬重慶府清因之民國二年廢府直隸東川道

初縣屬地編戶三里曰筍溪曰杜市曰思善清康熙三十三年每里分編

四單共編戶十二單後改為十二都一百二十甲宣統二年成立城鎮鄉

自治會分全縣為十六區城內為中區一都曰一德鎮二都曰二守鎮三

都曰三才鎮三才鄉

民國二年畫分

四都曰四序鎮五都曰五福鎮六都曰六合

鎮七都曰七星鎮八都曰八政鄉九都曰九如鎮十都曰十全鎮十一都



曰白沙鎮十二都分爲三鄉曰嘉樂曰嘉昇曰嘉平

江世傑曰縣在巴圻內兩漢以後或爲江州或爲江陽咸混一無別自隋開皇改邑治屬渝江津之名始著唐武德析縣邑置萬壽縣在漢東驛今朱家沱地宋乾德移縣治馬駿鎮考縣東六十里珞璜市有馬駿場舊志云縣西十里馬駿嘴有屯鎮未知宋時所移縣治的在何處又馬驍山亦名馬駿山在縣東隔江一里與舊志縣西十里之馬駿嘴及今縣治皆相毗連若珞璜市之馬駿場其地在山脊上非坦平可設縣之所據此宋乾德之移治馬駿鎮當在今馬驍山爲西魏七門古郡廢地決非珞璜市之馬駿場也

江津縣沿革表

江津縣志

卷二

沿革

二

縣	江	江州江陽縣開皇初武德三乾德五移今仍今屬重慶府直隸
	津	縣地兼置七廢郡十年析直年徙治治屬名屬慶府重慶府直隸
縣	郡治後周閔帝元年移今治	州屬渝州縣屬渝州幾廢
時	兩漢	隋
名	西魏	唐
別	後周	宋
		元
		明
		清
		民
		國

縣屬城鎮鄉沿革表

區域	舊稱	舊屬	備考
城廂	仁義禮智信五坊	中正團	
一德鎮	一都	筍溪里	團務辦事處設龍門灘場後改設附城東嶽廟
二守鎮	二都	杜市里	團務辦事處設雙龍場

三才鎮	三都	杜市里	民國二年留三四五六八九等保團務辦事處設杜市場
三才鄉	三都	杜市里	民國二年分一二七十等保團務辦事處設賈嗣場
四序鎮	四都	杜市里	團務辦事處設金紫場
五福鎮	五都	思善里	團務辦事處設朱沱場
六合鎮	六都	杜市里	團務辦事處設仁沱場
七星鎮	七都	思善里	團務辦事處設石門場
八政鄉	八都	筍溪里	團務辦事處設李市場
九如鎮	九都	思善里	團務辦事處設游溪場
十全鎮	十都	思善里	團務辦事處設稿子場
白沙鎮	十一都	筍溪里	團務辦事處設白沙場
嘉樂鄉	十二都	筍溪里	原名十二都清宣統二年自治成立分三鄉該鄉團務辦事處設三合場
嘉昇鄉	十二都	筍溪里	分鄉見上團務辦事處設柏林場
嘉平鄉	十二都	筍溪里	分鄉見上團務辦事處設龍門漳場

江津縣志

卷二

沿革 城池

城池

江津舊有土城歲久傾圮明成化壬辰七月都御史夏垣委重慶府知府莫鼎修之以義官江孟嘉董其事始修築東西南三面仍土北面瀕河甃以石成化癸卯復壞邑令黃昭重築之增高上覆以屋正德庚午爲賊曹甫所破復經通判張曰善訓導錢濬奉都御史林俊副史何珊檄營治易土以石崇墉屹然甲戌邑令楊威以舊築未固多崩塌復請於當道而築之周五里六分計一千有八丈高一丈八尺爲門九迎恩通泰嘉惠臨江德勝西鎮南安東阜北固各建城樓東南

西三門更置月城邑人鄒魯有記嘉靖己亥邑令楊元吉增修女牆石堞  
清初門樓多圯康熙四十二年癸未邑令王行恭捐俸先修迎恩門樓邑  
明經周侂祚有記

鄒魯記云甲戌夏永壽楊侯自毫判擢知縣事巡城歎曰城惡如此宜  
盜入而民散也千百年之計吾爲津民爲之於是斲石於山聚食於倉  
積費於帑五越月思熟慮審用周以足具條格以達當道可之以十一  
月庚寅號召於眾度基授土詔以式刻以期省試餼事越己亥三月城  
成樓櫓維新城守有所城外爲壕城內爲馳道防禦巡警各得其宜餘  
周侂祚記云渝郡之屬二十歸併者六縮符而治者十有四予邑獨踞  
上游漢爲江州後周江陽今名則仍隋舊也脈息自播攢笏插天疊嶂

# 江津縣志

## 卷二

城池

四

披雲翳兮千里直走江潯沿江逆折里許爲縣署再折爲學宮回顧鼎  
山如屏蓋大江環其後狀如几字山川形勝堪輿氏恆豔稱焉考之盛  
時戶口田賦仕進科名不減他治夫非山川間氣有以培植之而然歟  
以故郡之外屬亦必以予邑爲稱首城七里有奇門九今司啟閉者七  
兵火頽仍街衢灌莽城多不完門樓蕩然無復一椽而迎恩一門去江  
不百武水溢門吞巨浸如環谷其圯頽視別門爲甚易門以內爲棘溪  
故驛驛廢而官司迎送必於是乎出王言綸綍必於是乎入久圯不惟  
病厥履於觀亦陋矧夫天事之缺恆資乎人力而人力所至亦時挽乎  
天工斯門完否邑治盛衰係之從無有見及此者噫亦不學之過矣今  
上御極之四十年辛巳我邑侯王公以南詔魏科膺簡命來蒞於茲潛

心理學博極羣書而於廖賴之術尤極究心焉深慨茲門傾圮不治不止陋觀而病履也將謀修葺會以轉餉爐中旋奉調棘闈王事賢勞日不暇給越今年癸未治成化洽利靡不興弊靡不革爰庀材募傭命庶丕作門之圯者易以完石堅緻可久城上覆以岑樓距地可五丈楹七間列以三週以杉柵俯看几江一望蒼茫上溯岷峨下達灑瀨如在指顧岸北羣峯時時滴翠窻櫺間匪獨肩摩踵接往來稱便而搖鞭鼓柂者莫不以此爲傑特之觀始是年六月人以工計若干銀以兩計若干胥捐清俸不損公帑不勞子民閱五月訖工督工某等以記屬予惟侯是舉大有造於予邑予忝出門下請不獲其敢以辭憶昔文長有曰山川城郭間氣欲去恆假物以畱之若投轄挽賓使復宴笑一堂遂不落

## 江津縣志

### 卷二

城池

五

漢今侯殫人力以補天工留間氣於斯樓俾一盛而不復衰豈止石頂浮圖較大小於帆檣已哉稽之月令孟秋補城郭仲秋築城郭是亦行政之大者其最關名教若學校關帝吳公諸祠侯咸次第修葺崇師儒培正氣是又不徒執堪輿氏作用之迂說已也

乾隆三十一年丙戌邑令曾受一領帑重修因舊基址仍設九門易西鎮曰來慶德勝曰西成九門咸建城墩增大規模嘉慶九年城樓因雨雹損壞邑令徐鼎重修咸豐癸丑年邑令程祖潤於城垣周圍加石三層增修女牆及東南西三門月城辛酉年邑令談廷斌以鄰邑告警復於城后三面深濬城濠寬二丈許深一丈八尺餘濠邊列樹楊柳添設大礮臺八座小礮臺數十座光緒末年南安門內醴泉井側崩塌三丈餘札由十都都

正成翔卿籌款督工修復

查城垣舊例由十二都按段擔任培修刊字於石遇有塌壞卽札令該都籌款修復民國

十年臨江門城垣石壞勢將傾塌知事黃英飭地方公款收支所督工修

復

經行政會議議決此後補修城垣門樓由全縣擔負款項不照前例責之各鎮鄉

惟通泰嘉惠臨江西成四門

城樓因民國五年城外居民火警恐延城內知事命折毀之至今未復舊

觀

武城在縣城南安門外石子山頂明邑令王貢建原名演武廳歲久傾圮

清咸豐癸丑邑令程祖潤因舊址修爲石城作津城之衛

衙署

附監獄

縣署在北固門內勦自後周元末遭兵燹明洪武初邑令田子貞重建宣

德中邑令袁旭拓基更新明末盡燬清康熙九年邑令沈維垣重建中爲

# 江津縣志

## 卷二

城池

衙署

六

大堂後爲二堂又後爲知縣宅後西爲幕友宅大堂東西爲十房吏書辦

公保存檔卷之所東爲吏戶糧鹽茶禮五房西爲刑兵工倉承發五房兩

旁爲筍杜思三里糧班辦公所曰班房前爲儀門道光十年邑令郭彬圖

重修大堂及十房屋舍與筍杜思三里班房煥然一新民國成立未改築

僅以黝堊粉飾三年奉文裁撤書役就大堂東舊有房舍改設書記課辦

公所又將舊有之筍杜思三里班房改爲民事承發吏及刑事司法巡警

辦公所

附監獄

舊無屋宇有罪人犯悉羈押於儀門左土地祠內清雍正七年

邑令王朝選於儀門左分別內外監修築堅固裏外均築丈二高牆中爲

夾道豎柱立架覆以瓦移土地祠於儀門右乾隆三十一年邑令曾受一

遷土地祠於大堂左畔就祠地爲卡房羈犯是監獄舊在東方與監獄並峙者爲蕭曹祠舊在西方嘉慶八年邑令徐鼎倡捐改造監獄於西應肅殺之位復捐廉倡募改建蕭曹祠於東應生育之方作移修監獄碑記民國成立奉文釐定監獄除內外監不變更外將蕭曹祠改爲第一看守所舊有卡房爲第二看守所民國七年邑令熊其光將縣署東倉壩內舊廢遷善所改設苦工所

徐鼎記云司牧之官職在教養而民之不愛其身以蹈諸刑辟者不得已而始置之於法周禮大司寇以圜土聚罷民凡害人者寘之圜土以待弊罪後世沿之厚其牆垣闕其舍宇時飲食矜疾苦而保護之以慎典刑制甚周也然辨方正位各有攸宜故爽鳩職在秋官而刑科位列

## 江津縣志

### 卷二

衙署

七

西曹所以應天地嚴肅之威亦隱寓陰凝不用之義也津爲川東劇邑獄訟頗繁前之守斯土者掣制周詳經營幾遍惟監獄在署之東偏相循未改且偏窄沮洳炎溽蒸爍不免疹戾傳染之虞余以壬戌夏攝篆來茲每欲改圖未果至次年冬始與邑人士商酌更置因將舊蕭曹祠移而易之拓基啟土外築圍牆二道內豎監倉八間中建獄神祠另置女倉一間更庖溷廁悉遵成式越半載而功竣計費銀一千七百兩有奇余倡捐銀三百兩其餘皆士民鋪戶樂勸輸助者除稟請各憲立案外更飭刑書禁卒人等慎守防護使囚獄無苦於湫隘位置允協乎時宜焉方今重熙累洽四海向風聖天子明刑弼教期於無刑服明允而懷欽恤者靡不思革面洗心矣夫承流宣化守令之職也余愧無以教



導斯民囹圄空虛之美是所待於後之守斯土者

儒學署 昔年一在文廟內崇聖祠右一在崇聖祠左清道光二十四年重修文廟改修兩學署於文廟外左爲教諭署右爲訓導署自奉文裁去教諭訓導缺後宅歸官有現改教諭署爲女子高小學校改訓導署爲中區高小學校

駐防汛署 在東阜門內頭門舊由署左折入清嘉慶十七年駐防馬駿猷捐修頭門於署前補葺正房增修左右廂房及箭廳等處民國成立汛裁五年拍賣官產除署後箭道土一幅由全縣地方公款收支所承買轉佃鍾姓作基修造外前面四進房屋九年徵收局移住

按清代以滿制漢故有駐防之名大而將軍小而汛官皆稱之誠漢族之恥一大痛史矣今則五族一家也滿蒙回藏不當防而況同爲漢人乎吾川曰駐防區曰駐防軍文牘往來尙行沿用亟宜避宜改以符共和之義若能并防區制而取銷之則尤川局前途之幸哉

管獄署 在縣署儀門內右上清以前均爲典史宅康熙二十年典史朱茂謙捐俸重建外爲頭門民國改典史爲管獄更名管獄署

按舊志前明及清知縣以下設有佐治各員署巡檢司在縣西百六十里明正統中邑令胡鍾建今無布政司分司在縣北迎恩門內按察司分司在縣東百步二司俱明洪武中邑令皇復初建吳嵩夏昌徐崧楊威楊元吉相繼修理今皆圯醫學在縣西十步許洪武中邑令石泰建今無陰陽學在縣八十步許僧綱司在縣西一里道紀司在縣西通泰

門內均未建此外尚有旌善亭在縣治照牆前清乾隆三十三年邑令曾受一建申明亭在縣治左勸農亭在縣南石子山明嘉靖司徒郎阮朝東奉命察水利建接官亭在縣西二里邑令宋潛建今皆無又點馬廳在縣迎恩門外今無附載於此備考古家一覽

### 局所

徵收局 民國元年由徵收課長鄧鶴丹就前勸工局內添修屋舍成立後改徵收局按月認納地方收支所租錢二十千九年移設東阜門內舊防汛署

勸學所 在東阜門內將舊有几水書院改設民國六年被軍人占據現移設文廟內東西廡下段

## 江津縣志

### 卷二

衙署 局所

九

警察事務所 向附東阜門內火神廟民國六年被軍人占據停辦十一年復設假天上宮爲之詳武備志

實業所 附設東阜門外遺愛祠內

團練局 在東門正街就縣參事會地點設立

地方公款收支所 在東門正街就前三費濟倉保甲三局地點改設縣議事會 在四牌坊街前勸工局內後面改建今停

舊勸工局 在四牌坊街清光緒乙巳年修建現爲甲種農校

教養工廠 在東阜門外廣壽寺側清宣統二年邑令廷繼募捐修建

菸酒公賣局 在鞍子街佃住民房

郵政局 在老米市佃住民房

電報局 在鞍子街佃住民房

舊考棚 在東阜門大街清道光五年邑令陳叙頌建今爲駐軍所

按清邑令有周寶生名瀚者曉堪輿之學嘗謂人曰津城不知建自何時當日勦修之人具有卓識他不具論據其形勢可永無兵燹之虞此形家言也實則津邑介居巴合出入之道而非戰爭之地又退處南岸長江天塹彼難飛渡此易設防近年來幸免大攻擊者以此風水之說不與焉惟軍士沓來時有供億精華竭矣而邑中應行建設之事奚啻萬端豈惟無方亦無暇及此編者所爲致慨於殄瘁也夫